

乾隆元和縣志

元利縣志卷之二十九

二氏

二氏之徒儒者不道然其間固有嫻習文雅欲
逃於儒又迹若荒幻而不乖於正者亦非君子
所必斥也或產於吳或自四方而至地屬元和
縣者皆得列焉志二氏

晉

竺道生鉅鹿人姓魏氏初入廬山幽棲七年後遊長
安從什公受業關中僧衆咸謂神悟獨文字之師

以生爲邪擯之遂來虎邱聚石爲徒講涅槃經至
闍提有佛性處曰如吾所說契佛心否羣石皆首
肯之今虎邱有點頭石

闍道一晦處隱智人莫能知王珣兄弟深加敬事受
知簡文帝後隱虎邱顏魯公詩登壇仰生一謂道
生道一也

梁

鉅鍾尊者天監中住寶華山智顯禪院有卓錫峰又
住虎邱泉隨湧出名鉅鍾泉今名慈慈泉

慧德姓懷氏吳興人天監中居虎邱不得甘泉乃詣
地側聽得泉名虎跑泉

隋

智琰字明琛姓朱氏梁散騎侍郎獻之孫幼事通元
璩法師授典過日成誦嘗遊都下與道安禪師齊
名陳亡歸虎邱面巖壑者三十年楊素蘇威皆嘗
駐節山中接其緒論煬帝鎮淮揚具幣招致琰恐
累使者爲之勉起及見辭疾歸既寂埋虎邱東寺
智聚住虎邱東寺至德二年奉勅太極殿進講金光

明經天子嘉禮歸卧舊山開皇問聖書勞問寂後
寔山之南

唐

瑗字辨空常披一衲不計寒饑勤行精進嘗換武邱
名僧苑一卷注郁子兩卷文集三卷

清順尊者魏庠守郡奏改虎邱律寺爲禪迦尊者至
寺爲開山祖後有圖慤禪師說法張魏公浚嘗有
祭禪師文稱其法明正固超卓奇特真古佛語嗣
紹隆得臨濟心妙大禪東海住虎邱二年薨葬山

後

遇賢姓林氏長洲人狀貌偉怪口容雙拳母初孕夢
吞大珠少溺水泝流復還出家郡城東禪寺嗜酒
呼爲林酒仙醉則作詩時有天趣又能前知人禍
福言無不驗有疾病者書符與之立愈郡中有虎
患遇賢見之騎以出城患遂息一日渡江風濤大
作舟將覆解袈裟爲帆風浪便息郡守梅珣贈以
詩曰出入常攜一古藤三衣粗重貌稜稜紅塵酒
滿何曾醉知是僧中第幾僧明時藤杖與衣猶在

寺中

定欽定慧院僧與蘇長公相善公謫惠州嘗擬寒山
十頌使其徒卓契順往惠州寄慰安否蘇得詩甚
嘉之有曰語有璨忍之通而詞無島可之寒爲和
八首初契順爲其師持書至惠且曰惠州不在天
上行卽到耳投書徑進公問其所求答曰契順惟
無所求故來惠州若有求者當走都下矣苦問不
已乃曰昔蔡明遠鄱陽一校耳頗營公絕糧江淮
間遠載米周之魯公憐其意進以尺書天下至今

知有明遠今契順雖非嬰遠然區區萬里之勤倘
可援魯公例得數字乎公遂爲書歸去來辭以遺
之勒碑於寺

惠銓北禪僧伴狂垢面詩絕清婉嘗書西湖一山
寺壁曰落日寒蟬鳴獨歸林下寺柴扉應未掩片
月隨行履唯聞犬吠聲又入青蘿去蘇子瞻愛而
和之曰但聞烟外鐘不見烟中寺幽人夜未寢草
露濕芒屨惟應山頭月夜夜照來去

天紀積砂寺僧與高安僧元至善至社周伯弼所造

唐人三體詩方萬里作序吳人謂之磧砂唐詩

元

維則字天如俗姓譚氏永新人得法於本中峯本時
住天目山之獅子巖至正初維則名其居曰獅子
林識授受之原也與朱德潤交善時承旨趙子昂
及行省平章買住屢薦入召問皆稱疾不赴所註
有楞嚴會解淨土或問語錄別錄若干卷

明

永隆姓施氏尹山寺僧也世武王中興方沙彌給牒

京師者三千人爲籍爲軍時方旱禱雨降因乞焚
身以代之至雨花臺望闕再拜取辦香書風調雨
順四字語中使曰爲我奏之旣焚雨卽大沛上喜
曰此真永隆雨也籍軍得勉

妙聲字九皐景德寺僧博綜內外典義善詩文主北
禪寺洪武中與西白華金河被召主天下僧教有
東皐錄七卷

良琦字元璞吳郡人自幼讀書學禪白雲山中楊維
禎云琦公旣究禪理亦通儒學能詩其餘技也佳

天平山之龍門示寂於城東之孤雲庵

雪梅吳僧嘉靖中遊金陵踪跡奇異不拘戒律日湛茗飲間進酒肉竊報恩寺十餘年見法師據高座講經便笑曰亂說亂說偶出一語辨駁聞者汗下工詩文自序其詩以寒山拾得白况專修淨土講四書周易時有新理後住吳之東禪寺竹堂寺僧臘八十餘化

天際來自少林習武藝推第一手嘉靖中住虎邱敕賜金牌勳倭所至有功後欲予以官不受終老竺

巖山嗣玉庵亦傳其法盜至斷手而斃

妙顯長洲姚氏子削髮於寶砂寺初不讀書後漸明
內典住葑門之化城庵養母盡孝既受儒者業講
倫常性命之理曰佛教皆空只獨善一身必聖人
之道真實可行也時大吏聞其名召問禍福曰僧
所知者爲臣盡忠爲子盡孝未然之事未敢知亦
不必知也予以金不受後仍歸磧砂年八十餘垂
死謂其徒曰斐我須用儒家禮斷勿火化致既死
以後虧體辱親其徒從之

以上
釋氏

唐

柳條青大中末乞食吳中嘗擊節踏歌得錢輒飲好事者覓其踪終不可得閱五六年因大雪凍死於市市人具棺瘞於齊門之左每遇日出時塚上有紫氣高五六尺近視之無所見也後一年有處士皇甫頴者來訪之示以塚處皇甫持酒脯祭之發棺得青竹杖無他物表其塚曰谷隱柳處士墓自是不復有紫氣矣

宋

古無極若封門道堂署中開戶而眠蚊蚋不敢入補
其室曰小小蓬居以白氈塗四壁皎然如雪中設
榻嘗出所攜瓢缶魚鼓等懸之以書一束爲枕自
釀酒一瓮於牀頭人有求飲搖手弗許猶犬至卽
俛首疾回無敢窺其內經年不見揮拂一塵不生
未嘗出募於外而錢不乏疑其挾術過問之笑而
不言一夕撤去器物不知何往明日迹之藟糞盤
間四門人皆見其負籠荷杖出門去矣

元

金善信字實之長洲儒家子好老氏學父母嘗爲納
婦有子矣後師事莫月鼎傳其術悉構仁壽觀口
與徒研覈元旨其言以爲心神至虛無所汨沒諸
陰消盡諸陽自集蓋有形者陽陽益勝陰氣益消
精我得清淨去道無難矣薦於朝賜號去道法師
明

周元真字元初嘉興人年十二辭家入紫虛觀從李
大無爲道士至正戊子年二十始入紫虛住持即
報恩道院元真能以符籙召鶴因名之曰紫虛

軒洪武戊申李善公迎元真致雨有應明年庚戌
上召問鬼神情狀錫宴八縣又明年上召問雷靈
所以神之故對曰天地之間陰陽運轉故有天神
與人合者也上悅授領神樂觀事元真嘗修建安
里橋於通衢繼主常熟致道觀復修丹井死葬莫
月鼎墓次

裴慶性落魄嗜酒每卧人戶外日無醒時市兒時狎
侮之不爲意偶至人家飲酒或有老嫗病卽自斷
衣帶煮湯療之共卧處無雪時大學士夏言聞其

名往見之慶堅不肯出夏遣人牽出連呼殺人夏
不之悟也後果不免嗣真人張某朝京師道經吳
門訪慶邀至舟中以裴仙稱且拜之慶南閩人或
傳盤門人

國朝

呂恣字貞九弱冠立文詞司李倪長汀攝郡篆他校
士得恣卷奇其才置第一隨補學官弟子員未一
年遭鼎革毀初服逃于黃冠制衣草屨週遊吳越
黃巖諸名山晚歲絕烟火日採松花白杞爲食終

于西山之草廬有詩文集若干卷倪司李爲序而傳之

李樸字天木一字紫中幼與施道淵亮生同學年四十辟穀晝夜不眠與人語隨機開示總期使人了悟善詩亦長畫順治乙未挂瓢於甫里之圓白堂庚戌秋無疾而逝學者謚爲冲白先生

唐老老者不知何許人也長鬚廣頤年五十餘若歌若哭被髮百結或作椎髻布被鶉衣蟣蝨滿席人與之錢不受饋之粟拜而受之常於冬月危坐長

洲學宮側鳴脚樹下卽以葦席數片栖而息焉煮
一瓦鍋不食鹽蔬持一椀漆碗每食必拭數次聞
其歌搯秦聲或曰唐藩之弟或曰魯府儀賓李長
洲實李侍御模聞來叩之終日笑而不答終莫得
其實也一日天大雪坐泮池側鑿冰解衣以浴視
其體蓬蓬如釜上氣人疑其仙一夕襖被去不知
所之

以上
道流

元和縣志卷之三十

寺觀

像教西流化人東驚二氏興而梵刹琳宮幾遍
區宇奉其教者遂奔走之若狂矣自古迄今雖
迭見興替要與垣墻祠祀並存緣其徒以善果
福德之說誘天下故集事易而功之終廢者鮮
也爲存其建置夷燬之由附于攬古搜遐之例
俾宰世軸者或得以考且以覘風教之盛衰焉
志寺觀

東禪教寺在城東地三畝吳赤烏二年陳丞相宅池
中生瑞蓮遂捨爲寺名鎮國院唐大中間敕改東
禪明覺寺宋建隆時異僧遇賢號林酒仙嘗居之
寺中有祠祠後有紅豆樹猶傳爲遇賢手植云

寶光講寺在城東北隅鬱林太守陸續捨宅建門有
鬱林石初名鬱林石寺吳赤烏時郡守請額賜今
名至明洪武初開拓郡城廢爲軍營始遷寺于跨

塘橋西

今屬長洲縣舊
林石見吳寬記

北禪講寺在城東北隅利三畝晉戴逵之弟戴顓郎

中陸灣居此按吳郡志乾元寺唐有之今不知所
在然顧况撰乾元寺記有云晉高士戴逵子顗之
宅而皮日休陸龜蒙避暑北禪寺聯句亦云歛蒸
何處避來入戴顗宅則今北禪卽古乾元寺也宋
祥符初賜名大慈中有大通閣觀堂

元黃
治記

雨花堂

禁蛙池

萬壽禪寺在城東利一晉晉義熙中西域僧法愔建
名淨壽院梁改安國唐改長壽宋大中祥符二年
丁謂奏改萬壽禪院崇寧中詔加崇寧寺改天寧

紹興中改萬壽報恩光孝禪寺爲徽宗薦嚴之地

唐時僧貫休嘗居此休號禪月大師故寺有禪月

閣嘗畫十八羅漢像頗著靈異寺前周廣順中所

立尊勝石幢猶存

吳越軍節度上柱國鄆
思賢月承禮等題名

元末兵

燬明洪武間重建

學士朱
謙記

嘉靖辛丑巡按舒江改

爲長洲學僧證果移佛像就寺之東結茨覆之仍

稱萬壽庵僧通泉變服南遊蓄貲久復歸覓大宮

寺後基地依銀杏三株構講堂重門闔宮奉善財

伽藍二像挈其徒元炯道四居之創萬壽禪財院

天宮寺在城東利一營湖舊名武平後廢為
民居唐武德五年光祿大夫許台捨宅僧了然建
改今名明正統九年僧安演發地得二鐵像因朔
說法堂景泰辛未建大殿有碑記寺僧詩文著名
者市縣源月江
印宗水知慧川為舉元
若歸雅登有七高僧傳

普福寺在城東北臨婁門路初自晉朝後廢僅存殘
碑半截及土山銀杏三株大各二十圍順治初僧
通雲普潤久願興復走關東募緣時常積雪赤足
立雪中經旬不解施舍輒斃已歸吳恢復基址

鼎建大殿祖堂齋堂天王殿

宗伯韓文恭公

生為教寺在城東北隅有一古梁天監中僧承光建
名永光寺又名東林院明隆慶六年大殿回祿崇
禎三年里人潞安府幕於仁重建僧守靜又募
建藥師殿天王殿禪堂

廣化教寺在城東北隅後梁乾元三年諸葛氏捨宅
建名崇興禪院宋大中祥符元年毀賜今額中興
兵火淳熙二年都僧正清直等以所得藥資捐
建經樓宋景定間改為書院今為文忠烈公廟

雙塔禪寺在城東南隅唐咸通中州民盛焚建名殿
若院吳越錢氏改羅漢院宋雍熙中王文正建兩
磚塔對峙遂名雙塔至道初賜御書四十八卷改
壽寧萬壽禪院紹熙中爲提舉常平祝聖道場提
舉徐誼嘗給以常平田嘉熙中重建明永樂八年
僧本清重建康熙十五年里人唐堯仁捐資建天
王殿山門方丈禪堂法堂

定慧禪寺在雙塔寺西初名西方院本雙塔之于院
也宋祥符中賜今額始貳於雙塔寺僧定欽與蘇

長公善公遊吳於竹下構嘯軒待之及謫惠州使
其徒卓契順寄詩慰安公書歸去來辭以遺之明
正統中勒碑于寺康熙初傾圯里人唐堯仁捐貲
建大殿觀音殿重修彌勒殿

積慶禪寺在善教橋北宋開寶八年郡人盛名捨宅
建僧法翌開山紹興間賜額元季兵燬明洪武初
僧普照永樂中僧永宗戒坦相繼重建

今名李王廟

靜德庵在城東北隅貞三菑舊名報恩庵宋元祐中
僧寂慶建

資壽寺

一云居寺

在城東隅宋紹興間建有正法堂又有

佛浮圖靖康中邑人翁武建

石像庵在城東北隅貞三岳宋淳熙間僧清一墾地
得石觀音像因建明萬歷初僧大千定蓮增建大

雲閣

鄭敷教記

光明庵在城南仁一岳宋淳熙間僧永安建明萬歷
中重修崇禎末燬康熙間僧咸益重建

圓通庵舊名通元在城南宋淳熙間僧原淨建

圓明庵在城東北隅宋嘉泰間建元至元癸未重修

大智寺在城東北隅貞一書宋端平元年萬戶姚八
郎捨宅建僧本空開山景定二年賜今額明洪武
間汰去庵院存十二大寺大智與焉

崇慶庵

一名百
花庵

在城東北隅寺四畝宋淳祐八年僧

法冲建元大德間重建

普福院在城東隅元至元間浦氏捐建後廢僧覺證

重建

黃潛
記

金井庵在城東北隅亭四畝元至元間建後燬明洪

武初重建

佛慧庵在城東北隅元大德十年僧法亮建造爲北
禪寺子院

慈雲庵在東北隅元至大間瑞沙門開山明僧祖道
重建

昭慶寺在城東北隅利一僧元天歷元年宣政院阿
咱刺建僧懷壽開山至正元年復建旃檀閣

黃潛記

獅子林寺在城東北隅貞一僧元至正二年僧維則
建則多聚奇石狀類狻猊故名十二年賜額菩提
正宗寺內有卧雲室立雪堂問梅閣指栢軒禪窟

竹谷諸勝溪壑深邃岩石玲瓏爲一時絕境

陽元記

史官王葵有遊獅子林記明嘉靖間爲勢家所佔止有彌陀院

萬歷二十年僧明性具奏追復敕賜聖恩寺額藏經全部重建普光明殿順治八年僧海翔甫東居士陳大賢領衆重修建藏經閣乾隆二十二年皇上南巡駕幸寺中

賜鏡智圓照匾懸三世佛前

天龍庵在城北利三營元至正己丑僧惠慈建爲北

禪子院明萬歷己酉郡紳繆國維捐資修葺乾隆

修西構蘭陵禪東築橋後池以爲放生地

景華菴在城東地三畝舊名東林菴元至正間僧圓

淨建

盧帥菴在東南隅仁三畝明成化間都御史韓雍創

建

萬壽菴在城東北隅貞三畝明嘉靖間廢萬壽寺爲

學宮禪月山房僧真果移佛像就寺之東結茅覆

之千戶唐岳捨地剏菴嗣僧爲峯募郡紳徐如珥

捐貲拓地建山門正殿禪堂香積準提閣

磐陀庵在城東地三畝明萬歷三十五年南溟僧性海創建後漸圯崇禎十五年郡紳申紹芳捐貲修康熙九年燬辛亥僧原淨本易復建

普濟庵在城東地三畝原名茅渚堂士人金汝珂捨別業建崇禎六年侍御顧宗孟重建榜有顧氏家祠順治十六年靈岩僧洽化等重修改今名

慈航庵

一名青松庵

在城東仁三翁侍御顧宗孟捨建敦

請寧波僧無能設置慈航庵無主屍骸順治八年

僧悅然募建大毀禪堂

內有

三昧庵在城東北隅王三首天啟間有老僧結茅爲庵康熙乙酉僧月林易以瓦屋顏今名壬戌鄧尉僧天傑置庵後隙地建寮舍厨屋構三世佛殿善慶庵在城東北隅貞三首崇禎間僧大慧寂音建杯渡庵在城北亨三首明崇禎間僧覺支建

寄葉庵在城東北隅貞三首明崇禎間僧等倫卽祖居改建康熙癸丑擴建大殿方丈禪堂及厨廂寮舍山門又置庵後額田以半築基建大悲閣五楹半爲飯僧田

報本庵在城東南隅仁一畝明崇禎間重建康熙庚申冬織造副使胡士拔感神夢越明春得石像於葑門接渡橋荒草中如所夢矢願捐修迎像於庵月聲庵在仁孝里道義街祀張中丞國維祁巡按彪佳塗邑侯必宏募中丞天顏丁方伯思孔李邑侯念茲韓上舍馨

尚書沈德裕有記

生生庵在城東地二畝百獅子橋東順治初庠生顧廷椿捨基僧繼文募建

壽星庵在城東南隅仁一畝康熙間僧法舟重建

以上城內

雲巖禪寺在虎邱晉王殉及弟珉別業也咸和二年

拾建卽劔池分爲東西二寺會昌間毀後合爲一

宋至道中重建

王隨記

景祐中建御書閣

葉清臣記

紹興

中宋達建藏殿

張浚記

尋遭兵毀元至元四年僧華

明重建

黃潛記

明永樂初重修

楊士奇記

崇禎己巳冬大

殿文殊殿萬佛閣浮圖悉燬於火巡撫張國維重

建大殿

順治初總戎楊承祖重建天王殿康

熙乙未大殿毀燧使李煦重建

聖祖仁皇帝敕賜匾額恭懸於寺

宸章煥爛山林梵剎亘古常垂光曜云

額凡九俱見山阜

壽聖教寺在九都綵雲里半塘中有雅兒塢晉道生
誦法華經童子死葬此義熙十一年商人謝本夜
聞誦經聲旦見墳生青蓮花事聞詔建塢名法華
院宋治平間賜今額紹興七年重建元時寺僧善
繼血書華嚴大部藏寺中明學士宋濂題跋今猶
存

保聖教寺在二十都甫里梁天監二年建宋祥符

六年僧惟吉重建殿俱釋迦旁列十八尊者神光
閃耀形貌如生江南北諸郡佛像皆莫能及相傳
爲唐時聖手楊惠之所摹寺之西北有安隱堂有歸
光記

崇福教寺在三十一都尹山梁天監二年僧佐律建
寺有滄臺滅明書院宋尹和靖慕其勝曾倚寓焉
元末傾廢洪武初僧永隆駐錫嘗運巨木鳩工鼎
新明季又圯康熙壬戌里人鄉飲賓顧士禎捐資
重建

慈報庵在二十七都梁天監二年僧戒真建宋祥符八年燬慶歷五年僧契高自錢塘來復建後燬明景泰六年承天寺都綱永端與弟自悟建

大覺教寺在二十七都大姚山梁天監間僧道邦建寺有東明子院頗幽勝

白蓮講寺在二十都甫里梁天監間創唐大中間修後爲陸龜蒙別墅祠堂在焉宋熙寧六年僧惟古重建

永壽教寺在二十七都塘墟陳湖之左唐大中十一

年刺史管洪捨宅建僧真悟開山內有普賢殿宋
元符間寺僧海真悟繼重建明初傾圯宣德間僧
正宗創建大殿

五福庵在二十都唐中和間僧法智建

永慶庵在二十二都下雒濱五代廣順元年僧祖慶
建宋建炎初瑞光寺僧懷秀重建永樂元年僧源
湜再建

文殊菴在九都沈塘村宋至道三年僧智殊建爲金
山寺下院明宏治間僧克修至能導嘉靖間郡紳

陳鑒陸師道倡衆重建

王鑒記

金福講寺在二十六都周莊宋元祐間建淳祐二年
周迪功郎更新之景定間敕賜金額嘉靖初燬僧
秋壑慈念良能繼翊順治戊子總戎楊承祖捐俸
修建

青蓮庵在九都石牛頭卽古圓覺庵宋紹興三年僧
本立建賜額明正統七年僧善敬焚母圓覺廢址
旁卽此建庵後漸圯順治十一年僧願如重建

化城庵在荷門外荷四畝宋紹興四年僧普濟建明

磧砂寺僧妙顯操行清高嘗居此庵

佛慧庵在虎邱寺東宋紹興間僧無善建徑樹幽僻
有鍾秀軒明僧默堂名其室曰簡默堂

磧砂禪寺舊名延聖禪院在二十六都陳河之北宋
乾道間僧道源建詩僧天紀嘗註周伯弼所選三
體詩名磧砂唐詩中有大藏經板明永樂十五年
僧智端重修建

普利庵在封門外滅渡橋北宋淳熙間僧永寧建明
隆慶間僧廣成重建

接待教寺在婁門外

一名勝感寺

宋嘉定間僧淨梵建有

元音堂含暉樓挹清閣止息齋雲深處一掬軒松

花室聽聞室明宣德間僧頌有中重修康熙間郡

紳蔣德垓重修垓兄維城以良田五十畝捨之

崇福教寺在二十八都章練塘宋嘉定間僧德修建

寺有靈山堂額係宋徽宗御書明永樂元年僧宗

器重修建

清遠庵在二十六都周莊宋淳祐間達明初兵燹僧

玉琳復興之萬歷中又燬崇禎十四年僧照音重

建

青蓮庵在二十九都宋咸淳二年建久廢順治十年
僧物外募建

石牛庵在九都通國橋西宋咸淳六年僧志珍建初
名卽山庵明萬歷二年僧維靜重建因庵前有石
牛相傳唐時物更今名

法華教寺在對門外斜塘宋僧用宣及其徒行過建
取半塘法華舊額爲名

馬庵在九都馬庵浜原名永福元至正二年僧天如

建

白椎庵在九都晉竺道生放生處元至正間僧慧觀
建初名文殊庵明洪武間僧道衍駐錫其中更今
名萬歷間僧湛明重建

楊安寺在閶門外楊安浜元至正間建明初漸圯正
統間重修建

十方禪院卽永慶庵在燭莊元戊子年僧志修建
澄庵在九都上津橋北明洪武間建萬歷三十六年
僧天然重修

現瑞庵在葑門外二畝明宏治間僧滿修建天啟七年僧照瞻重修

海慧庵在葑門外古石家漚東卽普利庵廢址明萬歷四年五臺僧如海購地建初名海會順治十二年僧濟巖改今名

梁香庵在婁字二畝明萬歷間僧寄浮建庵左向有廣孝阡係洪武三年設崇禎七年巡撫張國維給帖修復

仁壽庵在東十九都萬歷間中翰許元祐建

蒲庵在九都明天啟間僧愼獨建

接引庵在二十四都黃瓜涇橋內明崇禎七年士人龔允培爲僧淨雲建

戒幢律院在九都舊爲徐人璞西園子工部澄繪爲復古歸原寺崇禎八年興建改今名

甘露律院在閭門西半塘初僅一茶亭崇禎間僧淨起建經堂佛殿康熙九年藩司惠天顏復建殿閣卽庵前至西山廟橋官河爲放生池禁捕淨起復有退居與院址相接

佛華禪院在九都彩雲里明宗禎十六年鄧尉僧
瑩建

海藏庵在東十九都本里人中翰許元祐梅花墅順
治三年子孝廉元溥拾建

右僧坊

修真道院在城東北隅平江路慶歷橋南宋淳祐間
道上李祖真建奏請賜額明嘉靖中道士石文獻
拓址修建

圓真道院在城東北隅苑橋巷宋咸淳二年道士沈

道祥建內奉呂祖像呂嘗自稱爲同道人故名願
治己丑道士鄭秉中重修鄭敷教記康熙甲寅道士周
宏教建天倪堂

衛道觀在城東北隅貞二高宋咸淳間綿州道士鄧
道樞游于吳得上官氏廢園建明初頽廢安治間
道士張復淳重建初名會道嘉靖辛丑遷長洲
學於城東以觀在學後形家言此爲學之外衛巡
按舒汀爲易今名命有司重新之大學士
嚴訥記

老君堂在城東北隅利三高明萬歷中江寧朱國

盛建堂以奉垢仙劉真人康熙乙卯道士施道淵
重葺今爲全真派居之

已上城內

善成道院在婁門外官瀆湖自唐初廢興不一康熙
壬子郡紳蔣德峻捐建斗姥閣道士吳昭科募緣
恢廊竣兄維城復將開壁市房四間捨之

通明道院在下二十都甫里鎮之西張滙宋祥符間
建明崇禎末里人戴章甫沈養舟重建

澄虛道院在二十六都周莊朱元祐間建

龍井莊道院在葑門塘元至元間鄧道樞建明洪武間里人瞿漢卿修今爲僧舍名龍井庵

通神道院在陳墓鎮元天歷間建爲何蓑衣真人下院明正統間道士顧永和重建

崇福道院在婁門外元元統初道士屈守仁建

報恩道院在葑門外明洪武初道士周元初建有來

鶴軒元初奉母苦行清修院旁其母林氏墓在焉

靈官廟在葑門外明初建康熙中道士陳慶雲重修

祐聖山居在九都二十九箇明宏治間道士楊道

常建康熙乙卯道士徐日清等復建斗姥閣

右道觀

普濟堂在虎邱山塘

育嬰堂向在元妙觀內因乳婦散處未便稽查乾隆
五年江蘇巡撫張公請

旨改置王廢基構數百廬聚居乳婦以便查察

錫類堂在結草庵前陞任郡守姚孔鈞修掩埋之政
以革火化陋俗詳 憲建置

廣仁堂在清真觀側先是邑善士費廷俞等倡廣仁

會爲有墳而貧不能葬者代營窆窆之後遂買地觀
旁建堂爲司會公所

永仁堂在虎邱山塘乾隆十七年善士張雲龍周振
緒憐貧人無棺尸骸暴露緣施棺暫借南濠水
神閣居停請尚書沈公德潛主堂乾隆十九年中
丞莊公有恭撥給山塘前巡撫韓公世琦祠旁隙
地建堂韓祠久爲租賃他姓衆善士捐資贖出中
奉韓公香火西建大門茶廳堂終未建乾隆二十
六年布政司安公捐銀一百兩堂永克成諸善士

釀金爲會以建此堂規模宏敞椽桷煥然沈尚書
德潛爲記

三樂堂在東禪寺林酒仙房堂供文昌帝君像乾隆
十二年里中好善者捐金修葺適中丞莊公有恭
飭行各屬建惜字局知蘓州府劉懋檄行長元兩
學王廷嵩費天修議設於此兼行放生

臨海義莊在元邑九都二畝雙欄杆橋贈通議大夫
戈元鎰初置田四百畝贍族臨終命其子候選州
同黃鴻候選知府黃泳貢生黃淮候選知府黃湘

擴而大之乾隆庚辰黃鴻等續置田六百畝共一千餘畝創立規條族之貧獨無依及廢疾者計口歲給米三石六斗貧者自五十以外歲給如其數六十以外者兼給以布帛寡婦孤子加厚焉貧不能爲子婚嫁者給銀二十兩其無父母者倍之貧不能殯殮者給銀十兩葬如之無力讀書者給以從師費莊中備十三經二十一史諸書有志者得以取閱遇考試量遠近給資習藝者歲給米三石春秋祭掃修葺墳塋祭輯族譜咸取諸此有餘則

貯莊以修水旱立莊正一人莊副一人司其出納
建屋四十餘楹中設宗祠祀遷吳始祖堂而以贈
通議大夫地憲配朔望集子姓展拜申辦香以盡
追遠之誠其制詳審周備可以惠宗族而綿世澤
乾隆二十六年六月署兩江總督高晉江蘇巡撫
陳宏謀江蘇學政劉鏞合詞以

聞田在木邑者十一畝二分五厘在長洲者七百五
十四畝九厘三毫在吳邑者二百三十八畝九分
八厘共一千零四
畝三分二厘七毫

溇陽義莊在乘鯉坊西有宗祠雍正九年候選員外

郎陶篠偕族從諸生尙濱等祀奉明蘇州衛千戶
從征交趾鹹子關死事俊及篠父贈奉直大夫世
魁置贍族義田一頃五十畝篠自捐田一千畝捐
金千八百兩建祠三十三楹立莊正莊副司會司
莊各一人按口而算計日而給喪葬婚嫁有助錄
寡疾廢有卹貯經史諸書許子姓能讀書者取閱
月給膏火制與范文正公書院略同乾隆十五年
總督黃廷桂巡撫覺羅雅爾哈善學政莊有恭合
詞以

開田在本邑者三百九十四畝六分一釐四毫在長洲者九百八十二畝三分五釐在吳邑者四十八畝一分八釐共一千四百廿五畝一分四釐四毫

又元和舊與長洲共一官壇在葑門外近邑民周永奇捐助義塚四畝四分七厘六毫邑令張若蟻詳請元和始另置官壇一所在地在二十四都二十九畝受字圩附記於此

元和縣志卷之三十一

御製

考自古邑乘未有以

御製分門者漢高之幸沛唐元宗之幸魯幸陝不乏
篇章未能彙而成集我

聖祖仁皇帝法古時巡留題虎阜至今輝映巖谷

皇上繼其

祖武兩幸江南

玉輅所臨疇咨民瘼託之歌詩元和爲駐蹕之地

慈寧視餽之暇一吟一詠皆光風霽月之淵衷魚躍鳬
飛之化理其山林古蹟莫不籠以

膚藻琳瑯璀璨遠邁漢唐恭爲編次垂示藝林觀天
地之光華仰羲娥之照耀焉臣工和什亦隨題
附載以媿卷阿矢音之盛云志

御製

賜禮部侍郎沈德潛歸愚詩集序

沈德潛將餞其歸愚集前藉首而請序且曰人臣私
集自古無御序例第受特達之知敢特寵以請不卽

望序或訓示數語可乎德潛老矣憐其晚達而受知者惟是詩余雖不欲以詩爲然於詩也好之習之悅性情以寄之與德潛相商惟者有年矣茲觀其集故樂俞所請而序之夫德潛之詩遠陶鑄乎李杜而近伯仲乎高王矣乃獨取義於昌黎歸愚之云者則所謂去華就實君子之道也夫子之訓小子曰何莫學夫詩使如後世雕龍祭獺之爲者聖人將斥而禁之顧反疏其源而導其流乎亦惟是名教之樂必有言之不足而長言之者舍是其何以哉昌黎因文見道

始有是語固不必執風骨體裁與李杜較甲乙而歸愚叟乃能深契於此識夷守約歛藻就澹於向日所爲壯浪渾涵峻嶒矯變人驚以爲莫及者自視若不足且有悔心焉是則李杜高王所未及言而有合於夫子教人學詩之義也夫非常之人然後有非常之過德潛受非常之知而其詩亦今世之非常者故以非常之例序之異日者江國行春靈巖駐蹕思欲清問民艱暇咨新什將訪歸愚建於愚公溪谷之間矣詩古文書總所風嗜踐祚以來萬歲鮮厭雖時

興吟詠而古文不數數爲之是序構思染翰至四
刻始就非復有曩日弓展手柔之樂况能津逮古
人耶歸愚叟於近代詩家視青邱漁洋殆有過之
無不及者故樂爲之序不復計其工拙遲速書卷
以賜茂云暮矣封事少稀更償文債亦足爲藝林
增一勝事也乾隆辛未小除夕書於坤寧宮之東
閣

聖祖仁皇帝御製虎邱詩

秀壁名吳水懸蘿接紫霞仁風期大吏厚俗止紛華

停輦輿情問開軒
朗畝賒笙歌陳勿用
意使盡桑麻

聖祖仁皇帝御製虎邱題句

試劍猶留石生公
尚有臺愛看山後
景錯落野田闊

聖祖仁皇帝御製憶蘇州風俗詩

鄧尉梅梢月虎邱
浪裏峰人爭天地
秀物雜理文宗
俗尚非交讓官箴
乏協恭物情常如
此何日受時雍

聖祖仁皇帝御製仰蘇樓詩

三天風雨百花催
獨賞幽蘭倚檻栽
蒨殿田間浮麥
浪真情足食卽春臺

聖祖仁皇帝御製虎邱詩

小阜廻岡落照紅長廊曲榭構西東
獨憐劍石潺湲水霸業消沉在此中

二

隨風畫櫂到山塘水市陰籠草木香
石不點頭誰說法惟存澗響雜笙簧

皇上南巡御製詩

賜致仕侍郎沈德潛

水碧山明吳下春三年契闊喜相親
玉皇案吏今烟

客天子門生更故人別後詩裁經細檢當前民瘼聽
頻陳老來底越精神健劫外胎禽雪裏筠

恭和

御製原韻

沈德潛

歸來遊泳硯山春三載瞻

雲誼倍親

帝許林泉就閒客臣爲歌嘯太平人連言恐落元和

後前席難忘宣室陳老去敢云頽晚節寸心竊比

耐霜筠

二

二月光風浩蕩春省方萬衆許相親已辭青瑱儋
咈叟重見黃衣識

聖人淮浦桃花靖波浪

臣迎駕淮浦

天章雲錦疊鋪陳渾淪元氣難廣和中津應漸解谷
筠

駐蹕姑蘇

才情春日駐姑蘇爲問民風豈自娛
艷舞新歌翻覺開老扶幼學喜相趨
周諮歲計云秋有旋察官方道

弊無入耳信疑還各半果能萬衆慶怡愉

恭和

御製駐蹕姑蘇元韻

沈德潛

省方萬類慶昭蘇老幼扶攜共宴娛未向吳山看
越絕先逢蕃庶驗吳趨清嘉里巷風誠憤充寶倉
箱語恐無有待冀黃勤保赤可知

睿慮半憂愉

恭和

御製駐蹕姑蘇元韻

錢陳羣

子見姑蘇

鳳船

山治

聖娛山水清佳年穀順衍衢天樂吏民趨玉梅金柳
輕寒暖密雨踈烟乍有無見說比來風俗美春隨
布濩倍欣愉

奉

皇太后遊虎邱卽景

閒登海湧峰雨洗絲鬟濃古蹟多留詠春郊盡力豐
雲樓既虛敞月牖且從容最引予心慕虞歌每每逢

二

誰云金寶氣化作虎邱山
南嶺巖壑深東臨鎮市閭
巖姿浮刻削澗響瀉潺湲
聽法猶存石生公舊往還

三

梅綻三分白麥抽千畝青
飲泉思陸羽卓錫擬支硎
雲罨石常潤風和草亦馨
智仁山水德樂壽頌

慈寧

恭和

御製奉

皇太后遊虎邱卽景

錢陳羣

巘岼別作峰雲氣淡逾渡霽景初投寺芳原正
農樓臺皆入畫竹樹各爲容要以娛

慈春春長閨歲逢

二

塘平鴨頭水埕湧佛螺山花店羅千品書坊近一
闕繚經臺寂歷養鶴澗潺湲

行殿臨高處留看未擬還

三

石布千人席巒堆九仞青梅應移鄧尉泉自壓支
例大士潮音靜寺有應夢觀音石像高壇栢子聲祈年還祝
嚴錫爾萬方寧

虎邱寺和東坡韻

曾聞沈恭子論詩虎邱嶺南周二千年逸事談井井
平原爲磨崖光怪龍蛇取雙絕尋無蹤累句紛鼃鼃
汲古得蘇詩兼金固在礦硬語出橫盤有似魚腸猛
當年圖伯人志氣頗馳騁條爾埋湏池囑子徒淒哽
不及槃郢氣化石彈指頃行春喜初地不礙東風冷

天水目與暢琴書興以永歸騎循蘭蹊江城入雨景
何當巖半閣坐弄新蟬影去留隨所適奚用山僧請

恭和

御製虎邱寺和東坡韻

沈德潛

平田突孤峰層疊見嵐嶺入寺方登山古蹟認陰
井魚腸破石飛光與清霜耿鳥雀不敢譁何況叫
鼃鼃清池通海源汨汨出古壩霸主志併吞戰代
逞雄猛葬餘白虎踞精魄妄馳騁後來仙鬼吟侶
答語淒哽迄今溯前塵轉睫電光頃後山眺平遠

一片蒼烟冷靄靄松杉合澹澹天水永崑虞山二雨
點青百里指烟景遙林晚鐘聲夕照歸鴉影心得
憺忘還山童向予請

恭和

御製虎邱寺和東坡韻

錢陳羣

茲邱雖不高亦自有峰嶺一凸湧平時臨溪近閭
井野靄霏濛濛春陽照耿耿雁堵龍雲霄劍池絕
蛙虎氣凝隱林金精自藏礦生公講處石薜蘿
出猛東風吹綵旂上界遙勢高因見幾年恭

子語何啻閭閻城郭非伯業只俄頃寧知陸羽泉
汲飲尚甘冷緣涯一訪古吟興相與永壇高闢妙
香天暖對韶景具區渺無極平碧浸雲影月挂梅
花樓留觀奚用請

恭和

御製虎邱寺和東坡韻

彭啓豐

茲山亦名邱入寺不知嶺燦燦炳明霞沉沉汲深
井魚腸與湛盧劍氣光猶耿絕壁動龍蛇深池禁
鼉鼉勝地鑿雲梯如金初出礦生公峙講臺頑石

化狸猛上方掛寶幡下界賜遙騁人語可中亭斷
魂聲咽哽臨風弔闔廬雲烟換俄頃踏磴未紆迴
汲泉尚甘冷霽景乍暄妍吟情倍陶永玉鼎標舊
題

瑤篇繪新景鐵花秀巖深梅梢和月影闕道耀璇宮
從官奉朝請

宴準噶爾夷使

渠搜入貢值巡方後隊隨行許觀光麾去招來憑我
約璫裘帕額適其歸三巡禮露申歡後二月東風正

龍陽深戒誇奢經錦樹盈寧畧足示來王

恭和

御製宴準噶爾夷使元韻

沈德潛

六龍南服正巡方卽叙西戎仰

帝光雕結陪臣降覲禮鴻臚大典肅朝常歲魚列席
歡蠻語花柳番筵際仲陽看徧吳民輸愛戴歸途
傳諭白狼王

海湧一峰

一峰突起青螺堆萬古巖秀臨蘇臺詎數層巒及童

嶂饒看野竹兼疎篠石泉鶴澗瀉冰雪梵宮璫宇樓
崔巍晴空照影入滄海宛如湧出西蓬萊是宜仙人
所託憇而我登臨實快哉

舟發姑蘇

蘭鷁發胥江風平五兩簫霽天留曉月麥剡入篷廬
行閱溪山畫真稱文物邦具區空闊裏湧出洞庭雙

恭和

御製舟發姑蘇元韻

錢陳羣

曉色展平江牙樯正由榔綠楊林岸日浮淮水明

、
雙雙
廳官路連鄉路吳邦又越邦掠艍多鷺彩雪鵲領

寶帶橋

匪伊垂之玉有條兩湖春水綠如澆印公強取蘇公
物飛作吳中第一橋

田家春興

湖山豈不美最喜見田家過雨修春來臨溪轉水車
東阡芄綠毯西陌簇黃花攬結真娛意端勝玩物華

二

城市厭笙歌農謳悵聽多三時務畊織六畜富雞鶩
高廩村場積新筭父老酣今年春雨足卜稔望晴和
姑蘇覽古雜興

秦伯開基後原爲禮讓鄉誰知闔廬代乃作互爭場
熊應心殊毒鴟夷志不忘一螺竟安在烟水浩茫茫

二

孫堅真有子江左獨稱雄鼎立曹劉孫瓜分山海中
魯周司內外襟帶控西東吳興人更無對壘起銅

司徒構別墅拾作化人園想像林泉概佔柳松菊存
石經開士悟屐帶謝公痕榮鄧泰王索荒唐說虎臨
四

是地稱良守風流白樂天鑒渠敦實政攬景富嘉篇
已覺山塘好重教霓舞傳木蘭堂賦古翹望屬前賢

五

五賢祠畔過應物韋果清真劉禹白易稱同調蘇軾

王禹傳繼後塵江山真助秀烟月鎮從新卽景求佳句

張家更絕倫

六

綺角猶存里蕁鱸亦有亭故山思邈世上國重敷庭
平水常浮白奇峰不斷青誰爲高士傳於此取儀型

七

近代工詩畫倪唐亦可稱林猶師子昔坊是解元曾
最愛靈巖秀真宜烟客登

沈德潛卜居靈巖
山下故詩及之江河流

不廢我許是人能

恭和

御製步蘇覽古雜興元韻

沈德潛

子札延陵去終身遠故鄉如何禮讓俗忽作關雎
場墓國身能蹈稱雄志不忘梧宮凋落後香草悵
茫茫

二

孫堅真有子兵到避英雄志銳渡江日身輕射獵
中有謀迎漢帝遺命霸江東墓道今難問三泉枉

下銅

墓在盤門外
宋代被發

三

絕艷驚花地曾爲短簿固石頑頭不點鶴化桐空

存雲際飄旛影蒼邊印屐痕舊聞狂夢晉石上舞

蹲蹲

明代張靈字夢晉衣朱衣於千人石上作天魔舞

四

屈指蘇州守韋郎白樂天姓名今古重不獨爲詩
篇簡淡治能久風流亦可傳後來五馬客若箇替
前賢

五

志在安天下希文出虛齋廟堂爭去就遶曉靖風
塵瓊豆名山舊褒崇

聖藻新言游道南後正氣自誰倫

六

停雲聞有館

文待詔徵明

才子亦名亭

唐解元寅

水竹辭徵

辟

沈處士周

枝山薄府庭

祝京兆允明

畫圖畱粉白書卷興

鴉青文苑兼高隱邦人尚典型

七

周

諡忠介順昌

文

諡文肅震孟

諸正士清節有同稱名教荷

已久艱危避豈曾顧

諡端文憲成

高

諡忠憲攀龍

逢後勁楊

諡忠烈陸左

諡忠毅光斗

已先登誰作東林傳應推哲匠能

回鑾至蘇州駐蹕

稽山脩祀罷浙水省方回道便舟重駐春深花盡開
興情多眷戀我意亦徘徊懷保相關處茲遊益信哉
皇上再南巡御製詩

丁丑春疊舊作韻賜予告侍郎沈德潛

前席何曾隔六春三千里不間疎親星垣帝友豈無
友吳下詩人尚有人咨度癡情期達隱評量句義欲
牀陳步趨望九雖稱健靈壽願教子握筠

恭和

御製疊韻賜

沈德潛詩

沈德潛

淮浦重沾

帝澤春宛如孩幼遇慈親
舊叨香案繙書吏今擬桐
江把釣人韻語自

天勤訓誨民艱匝地敢披陳
杖朝亦沐君恩賜奏對還攜五尺筇

恭和

御製疊韻賜沈德潛元韻

彭啟豐

淮浦迎

六和集卷三十一
鑒屆仲春白頭前席倍情親賓筵望重騷壇老
帝座星輝釣瀨人當代詩篇經甲乙一時民瘼許披
陳生同梓里雲蘿接長伴喬松與翠筠

駐蹕蘇州

乘時展義玉鸞巡蒞止吳城胥水濱春色由來南國
麗民情較比昔年親縱看道左多權幘寧忘災餘有
糗貧鮮蓋藏還尚華飾此邦要務在遠淳

恭和

御製駐蹕蘇州元韻

六和集

六載欣逢

聖主巡

玉鑾重駐大川濱無年乍轉豐登象有識羣依怡恃
親風俗近華終少實市廛疑富半憂貧
省方此日殷勤諭望爾居民漸化淳

恭和

御製駐蹕蘇州元韻

錢陳羣

鑾輿兩度協時巡花柳依然媚水濱夾岸謳吟相接
應近船父老更情親旣沾

恩澤仍沾

幸前歲以南邦歲歉暫停巡典昨年大熟始有諏日
南巡之旨吳民望幸之心與皇威之心並殷矣
爰說盈寧不說貧泰伯當年遺德在勤勞要與俗
還淳

恭和

御製駐蹕蘇州元韻

彭啟豐

東南翹首望時巡嚴整星羅震澤濱照徹黃圖宏
憐覆

恩深赤子輒情親旣風欲款三吳儉賦來蘇萬戶

貧更飭法廉勤撫字官方隆叙帑歸淳

觀蘇州閭閻之盛不減昔年旣以惻懷兼成是

什

旋轉深叨造化功昨春猶疫幸秋豐肉瘡剜補嗟黎
獻清益損謙切已衷資食資衣厓宵旰任親任近繞
西東羽林護衛曾何籍膝下原吾赤子同

恭和

御製觀蘇州閭閻之盛不減昔年旣以惻懷兼成是

什元韻

沈德潛

從來造化有全功
歎歲旋看土穀豐
疹疫已消塗
瘴氣闌闌無恙囑

宸衷願占易卦
冰風井不愆
轉爲大小
義更望官
無浚削要令元氣四方同

恭和

御製觀蘇州閭閻之盛
不減昔年無以信懷兼成是
什元韻

周循歷市諫民
城足全
耕田志
帝力

皇衷十旻枕藉稱江左
估客帆檣下海東
闔閭省方通一水
由來吳會畧相同

恭和

御製觀蘇州閭閻之盛不減昔年旣以慰懷兼成是

什元韻

彭啟豐

陽和同韓仰

元功萬井依然卜屢豐
櫺比連雲歌愷澤焚香結綵
秉寅衷星辰拱衛皆來北
河海汪洋盡注東
老幼扶攜趨覲日

恩綸疊降後先同

虎邱寺再和東坡韻

定光瞻寶塔拾級登仙嶺遂徑造其巔下視寓萬井
松濤虎嘯翻竹籟龍吟耿荷尚頰舌感此必下鼉鼉
鼎頭聽經輩金矣不復礦生公本無涉誰云服精猛
尋翁絕世才儒佛場馳騁勝遊託豪句豈真增跼蹐
小坐仰蘇樓緣晴含麥頭爲視今餅餌寧忘昔饑冷
人言元氣復我歎哀鴻永年同彼子瞻無事但攬景
歸與歸山姑翠瞻翠華之遊重貴及請公詩大吏詩

恭和

御製虎邱寺再和東坡韻

沈德潛

樂興出間閭

名域

遙望見平嶺七里經山塘麗市歷井

井入寺登山氣象何清耿道旁咸屏息無聲靖
龜鼉剗水澄鐵花石磴聳蒼礦魚腸藏三寸餘氣
猶精猛從騎整和鸞不敢妄馳聘銀幣

賜老人禮同祝墮哽

駕停小吳軒晏坐彈指頃蒼烟識吳城中多饑與冷
鴻雁安宅之衣食計久永寧羨海湧名賞此紛葩

方和集卷三
景孟間有圓水泉正得正影

諭爾節鉞臣端本爲民請

恭和

御製虎邱寺再和東坡韻

錢陳羣

春旂指雲岩香輿躋清嶺迤邐採吳風綿延俯烟
井石路走欹斜原田浮清耿新雨落深池生意矜
蛙鰕魚腸躍金精苔紋篆古礦惟餘明月夜一掬
踞虎猛清遠可笑人孤詣獨陵騁至今讀其詩
聲助鳴唳東坡坐東軒悔不置一頭撓古但欲

客懷寄淒冷

宸遊一再過風恬晝初永
欣周道微生
松逕復徘徊斜暉移堦影
石紀重來寧
請

恭和

御製虎邱寺再和東坡韻

彭啟豐

登城卽見埕入寺方知嶺下有第三泉
不異靈巖井盤石坐坦平
劍峰氣猶耿高頂喧鳥雀平田際
蛙龍大殿輝黃金清池涵古礦
霸氣淬魚腸一

雄心猛白虎踞山顛精魄妄馳騁後代仙鬼吟月
夜語凄哽古蹟成埃塵彈指閱俄頃

宸遊彩仗停碧甸烟華冷松杉隨處合天水與俱永
西山攢翠螺列岫散霞景結韻續東坡留題印清
影回首梅花樓山僧應叩請

山塘策馬

山塘策馬攬山歸淡蕩韶春鞭漫揮烘受朝晴花蕊
綻潤含夜雨麥苗肥日近日煦所無逸樂水樂山
靜

歸爲吳民還易

平未南

淳之教三致意焉又明降詔旨地方人士
此來民間結香亭者率不敢借歌舞之觀
爲之
心喜

恭和

師藥山塘策馬元韻

沈德潛

白隄

神馬踏雲歸七里經過輟一揮花市暖餘紅欲徧春
波漲後綠初肥民歌

中德皆真意

喜民風得轉機綺麗屏除闌閤靜豈徒塵事到山

稀

上以吳民除演劇燈
絲漸得返朴還淳之意

恭和

御製山塘策馬元韻

錢陳羣

晴郊遊徧薄言歸緩
寒山塘一指揮
曉眼新離紅
半掩鴨頭春水綠
添肥殷勤士女

親提命活潑詩篇
精化機舞榭歌臺
前日事紅橋白

馬記依稀

上以吳民從令
不事粉飾極爲嘉予

恭和

山塘策馬元韻

彭啟昌

七里山塘振策歸芳菲滿日手頻揮
堤邊楊柳官風颭市擔桃花着雨肥
化俗因時惇雅尚寧民
處闢真機金閭萬戶同熙皞再觀旌旂
餘

曉發蘇州

視河將欲至徐城五日姑蘇便啟行
浙省萬民望幸吳川一宿且兼程
是日不駐南斗圩兼程至嘉興
設緣玩景生留戀豈是因心凜
旦明老幼不須攀載道西塗當爲小
停旌

恭和

御製曉發蘇州元韻

沈德潛

百官千騎發吳城

仙仗迎陽次第行
後臨萬家塵起處
前期一路鳥飛聲
程桑陰穰罷雕輪
隱湖水空涵綠
鷁明軒得由拳
諸父老隄邊額手望

龍旌

恭和

御製曉發蘇州元韻

錢陳羣

延章五日駐吳城
晨發今爲浙右行

幸方欣應迅至

時浙人望幸已數日矣

攀留還說莫兼程祇緣

相度心逾切

前一日降旨回鑾時取道徐州親視河工

那計山塘花

正明爲語環遮諸父老算當十日便回旌

遊獅子林

蘇州府城內

早知獅子林傳自倪高士疑其藏幽谷而宛居鬧市

肯構昔無人久屬他氏矣

今爲黃姓涉園

手蹟藏石渠不忘

賴有此

石渠寶笈舊藏有獅子林圖爲倪高士真蹟

詎可失目前大吏稱

未飾

叶

未飾乃本然益當尋屐齒假山似真山仙凡

異尺咫松掛千年藤池貯五湖水小亭真一笠矮屋

肩可倚。緬五百年前。良朋此萃。止澆花。供佛鉢。淪茗
談元髓。未擬泉石壽。泉石既半毀。西望寒泉山。趙氏
遺舊址。亭臺乃一新。高下煥朱紫。何幸何不幸。誰爲
剖其旨。似覺凡夫云。慚愧雲林子。

恭和

御製遊獅子林元韻

沈德潛

昔遊獅子林。與偕方外士。

詩僧

如遊深林中。宛然

離城市。五松空巖巔。年逾四百矣。洞穴地底通。遊

者迷彼此。傳自荆蠻民。

說文

古漢世文錄

卷一

從別去後忽忽成暮齒
夢付夢寐千里在尺咫
近聞主數移誰問荒邱
不辟疆祇空名隅地安足
倚幸有畫卷存

內府歎觀正

內府石渠寶笈藏有倪高士獅子林真跡

淡靜與天游清氣

入肌髓

至尊問吳風林闢猶未毀
幽屏盛儀甲巷經故址
春餘踰闕紅雨後莓苔紫
地重倪雲林品高趙承旨
從茲薤露人不薄襟居子

恭和

御製遊獅子林元韻

彭啓豐

屋角藏高峰城隅隱修士香積本安禪幽巖偏近
市昂霄迥不羣玉立觀止矣後覩狀隆隆窈洞迷
彼此規制嵌玲瓏斷椽去雕飾叶雨餘潄斑斑波
淨石齒齒坦步遠逾尋側視近盈尺方壺照虛牕
仇池漾碧永吐月樓閣憑含輝几堪翫倪迂此道
遙文友偕戾止圖書貯清閨烟霞入骨髓荏苒四
百年閣亭基未毀

宸翰墨新題幽棲詞舊蹟
蒼苔生石壁紅紫

邱壑探芳踪風徽及芳旨

天家繚素珍人重雲林子

蘇州啓蹕作

金閭三日畧延留鳳艗平湖啟蹕郵惠溱重期清入
聽靈巖迴望翠凝眸豈無餘意民情戀更有殷憂河
務籌况復秣陵亟俟我便當減從一爲遊

恭和

御製蘇州啟蹕作元韻

沈德潛

吳儂遮道願遲留我

后仁風速置郵

龍馭已回千里足江干還注萬人眸甫行獨復

恩重沛

捐積欠後又免
巡幸所過本年地丁

欲奏平成策預籌

時駕將

往徐州平
治水患

虞興時巡應計月卷阿更望詠來遊

和縣志卷之三十一